

IL SFUEI AL CONTE

Il lusôr de matine al svee il spiedi di aghe displeât tra lis puaris cjasis. L'aiar de vierte al è fresc e profumât.

Une cisile, che e veve juste finît il sô nît inte stale di Meni, e rive di corse cjareçant il pêl da la aghe e si jemple il bec di moscjins saurîts.

- Ce pôre!- al cisiche un crot spaurît biel che si bute inte aghe fasint vongolâ il plan.

Ghitiât il sfuei al vongole e al dîs: - Intal gno fondon pastielôs, nissun ti viôt!

Il mungulâ das vacjis e il cjant das gjalinis à anunziin il cricâ dal dî. Sù pe strade scloteade dôs feminis anzianis, cui lôr vecjos çucui intai pîs, a cjaminin pindulant. Sul cjâf a àn un façolet scûr compagn dal vistût e dal sialet. Picjâts sul buinç a àn i seglots vueits.

Mariute, une di lôr, e jemple il seglot e cuant che, cun fadie e jeve sù, Sunte i domande:

- Mariute cemût vadie la spale?

- Mi fâs ancjemò mâl. O ai fats i decots di malvis, ma i miei vues viei si lamentin ancjemò. Puartâ dute cheste aghe par bagnâ il lidric di sigûr no mi zove. E tu ce fâstu culî?- e domande la anziane.

La amie i rispuint: - O ai di fâ boli doi seglots di aghe par cjapâ sù par tiere. Îr o vin copade une vacje che si jere rote une talpe: e jere la mê preferide, e veve fat tancj vidieluts e e faseve cetant lat.

E continue Mariute: - Benon consoliti, tu varâs un biel pôc di ce mangjâ!

Il sfuei al sint un fregul di ghti su lis sôs rivis bielzà che i seglots a lenzin lis sôs aghis e al rispuint a chel che al sint cu tancj cerclis che a rivin fin dongje i çucui da lis vecjuts..

Lis dôs sioris anzianis a vegnin interotis dal cuacarâ di ocjis cun doi fruts che lis puartin a passon pôc plui alts dei nemâi che a compagnin. Subit lis aghis a son sdavassadis da lis talpis dei plumâts che si smenin continuât.

- Bundî Pieri! Dulà vâstu a passon vuê?- Al domande Jacum, il plui piçul dai doi?

Intor al à un pâr di bregons cussì grancj che al podarès stâ dentri dôs voltis. A son tignûts su di un spali come chei che a siervin par leâ lis vacjis. I voi morbinôs si rivin juste a viodi sot dai ricjots che a vegnin jù sul cerneli. La maiute e à lis stessis maglis da tiere.

- O voi de bande dal torint Cuar - al rispuint Pieri.

Jacum al propon a Pieri – Si fermino a zuiâ un pôc cu lis balutis? Jacum nol rispuint, ma an tire fûr un pocjis da lis sachetis e al preste dôs a Pieri. Al sa che l'amî nol à avonde bêçs par comprâlis. A zuin gaiarins, impegnâts a fâ jentrâ chês balutis di veri dentri inte busute. I claputs da spes a fasin distradâ la traietorie, ma lôr a son une vore navigâts. Intant il timp al passe e i doi fruts no si son visâts che e je ore di tornâ a cjase.

-Jacum viôt che i nestris compagns a stan lant a scuele. Lis ocjis a son tal mieç dal sfuei, cemût fasino a tornâ a falis vignî in ca cence bagnâsi? – al dâ sù Pieri.

Di fat a scugnin jentrâ inte aghe. Rivâts a cjase cuant che lis maris ju viodin in chei stâts si invelegnin . La punizion purtrop e sarà lâ a scuele cence gulizion.

Sul sfuei Tite e Pieri, doi contadins, sentâts sul lôr cjar tirât di doi bûs a stan spietant che i lôr animai a bevin prin di lâ intal cjang. Al stâ rivant ancje Bepi cu la so femine: lui cu la manarie e la siore cul buinç che al à picjâts doi seglots. Bepi si gjave il cjapiel di paie par suiâsi il sudôr dal cerneli cu la manie de cjamese e al salude i siei amîs.

- Dulà laiso ? - al domande Pieri a la cubie.
- O nin tal cjang a taiâ lens - al rispuint Bepi.
- Jo o ai di bagnâ il lidric e lis cuçutis - a continue Catine, intant che si plee par cjapâ sù la aghe intal seglot. Se no cun chest sut il gno lidric si flapis!
- Staiso lant a pît ? – al domande Tite.
- Sì!... no vin il cjar. Une ruede e je a comedâ. Si lamente Bepi.

Tite ju invidie sul lôr cjar e a van vie cjacarant dai lôr fastidis.

Intant che al cjale slontanâsi che puare int il sfuei al pense: - Ce brave int che a vîf in chest paîs. O speri di vê simpri aghe par lôr.

Insegnanti classe 3[^]

Di Bin Onorina

Paoloni Meri

Barbiero Eliana